

千
山
文
釋
義

百家姓考略

欽西徐士業建勲氏校刊

百家姓出兔園集乃宋初錢唐老儒所作時
錢俶據浙故首趙次錢孫乃俶妃李謂南唐
主也次則國之大族随口叶韻挂漏實多識
者訾之然傳播至今童蒙誦習奉為典冊乃
就其所載粗為箋註方諸古今姓苑氏族諸
書其猶射者之嚆矢也夫琅邪王相題

趙錢孫李周吳鄭王

趙角音。天水郡。伯益裔孫。造父事周穆不
以功封於趙城。子孫因氏焉。其後叔帶仕
晉。至趙夙世為晉卿。傳趙籍始滅晉為諸
侯。漢有趙廣漢為京兆尹。宋太祖之遠祖
錢徵音。彭城郡。系出錢氏。彭祖姓錢名鏗
支子去竹而為錢氏。孫官音。樂安郡。系出
姬姓。衛武公子東孫之孫。以祖字為氏。世
為衛卿。又楚有孫氏。為姓之後。孫叔敖為
楚相。又齊有孫氏。陳姓之後。陳無宇子子
占有功。賜姓孫氏。其後有孫武子為吳。將
武之裔。世居富春。漢末有孫權為吳帝。

武子之裔也。**李**徵音。龍西郡系出理氏。皋
陶之後代為理官。子孫以官為氏。有理利
貞。避紂居李樹下。改為李氏。老子之祖也。
其後李牧仕趙。李廣仕漢。唐祖李淵。廣之
裔也。又晉有里克。衛有禮至。皆理氏之後。
與李同源。**周**角音。汝南郡系出姬姓。周平
王少子烈之後。以國為氏。周有周任。戰國
有**周霄**。**吳**羽音。延陵郡系出姬姓。武王封
太伯弟仲雍。曾孫於吳。其後子孫以國為
氏。戰國有吳起。漢有吳芮。世為長沙王。**鄭**
徵音。滎陽郡系出姬姓。周厲王少子友封
於鄭。支子以國為氏。孔子弟子有鄭國。奏
有鄭安平。漢有鄭子真。裔孫鄭露。避晉亂
徙閩。莆興立學校。化行七閩。宋鄭樵。鄭僊。

皆其後。王商音。太原郡。系出姬姓。周靈王太子晉之後。周有王翽。齊有王蠋。秦將王翦。子賁。生離。離子元。居瑯琊郡。元弟威。居太原郡。又田齊之後。避難改為王氏。又魏信陵君子孫改姓王氏。又殷王子比干後亦曰主氏。凡二十一望。理太原瑯琊二郡最著。○錢音尖。鏗音坑。蒸音委。

馮陳褚衛蔣沈韓楊

馮宮音。始平郡。系出姬姓。文王子畢公高支子。食采於鄆。子孫去邑為馮氏。戰國有馮亭。漢有馮異。陳徵音。潁川郡。虞舜之後。胡公滿。封於陳。子孫以國為氏。孔子弟子

陳亢漢有陳寔為太邱長裔孫陳霸先代
齊有天下國號陳褚羽音河南郡系出子
姓宋共公子段食采於褚號曰褚師子孫
因以為氏漢有諸少孫補史記衛羽音河
東郡系出姬姓文王子康叔封封於衛其
後以國為氏漢有大將軍衛青丞相衛官
蔣商音樂安郡系出姬姓周公子伯齡封
於蔣子孫以國為氏漢有蔣詡吳有蔣子
文蔣欽沈宮音吳興郡系出姬姓文王子
眇季食采於沈其後以邑為氏楚有沈尹
戌子沈諸梁為个共封於葉號葉公韓商
音南陽郡系出姬生武王少子封於韓晉
滅之封桓叔子萬於韓原世為韓氏至韓
虔公晉國為諸侯漢有韓信楊商齊弘農

郡系出姬姓周宣王子尚父封於楊晉滅
之晉武公子伯僑食采於羊舌後爲羊舌
氏至叔向更封於楊子孫爲楊氏戰國有
楊朱漢有楊喜封赤泉侯孫楊敞爲丞相
後裔楊寶生震震生秉秉生賜賜生彪四
世爲三公隋文帝楊堅之遠祖也文有楊
氏從手不從木周有揚侯失國後爲揚
氏漢有揚雄是也○馮音馮嬌音圭

朱秦尤許何呂施張

朱角音沛郡潁頊之後周武王封曹挾於
邾其後子孫去邑爲朱氏戰國有朱亥漢
有朱買臣朱雲秦徵音天水郡系出嬴姓

伯益之後。有嬴非子仕周。孝王牧馬於汧渭。有功。封附庸之國於秦。至孫秦仲始列爲諸侯。支子以國爲氏。孔子弟子有秦祖秦非。周有醫師秦緩。字越人。尤徵音。吳興郡。系出沈氏。五代王審知稱閩王。國人姓沈者。避審音。去水爲尤。宋有尚書尤袤。許羽音。高陽郡。系出姜姓。神農之裔。周武王封文叔於許。以主太岳之祀。其後以國爲氏。何角音。廬江郡。系出韓姓。韓王安爲秦所滅。其子孫避難轉音爲何氏。漢有何休何進。區羽音。河東郡。系出姜姓。神農後伯夷仕堯。掌禮佐禹治水。封於呂。世主太岳祀。周有呂尚。封齊。秦有呂不韋。其妾有娠。獻莊襄王而生。始皇帝施徵音。吳興郡。系

出姬姓。魯惠公子施父之後。五代孫施伯。
以高祖字為氏。孔子弟子施之常。張商音
清河郡。黃帝第五子青賜生揮。觀弧星始
制弓矢。為弓正。主祀弧。遂為張氏。周有張
中漢有張良。

孔曹嚴華金魏陶姜

孔角音。魯郡系出子姓。武王封商微子於
宋。至閔公。挾生弗父何何。佗孫嘉字孔父。
孔父孫畢夷父以祖字為孔氏。夷父子防
叔。仕於魯國。防叔孫叔梁紇生孔子。又衛
有大夫孔文子圉。曹角音譙郡。顓頊五世
孫陸終第五子安大禹。賜為曹姓。相國黎

郎皆其後也又姬姓文王子曹叔振鐸封
國於曹其後以國為氏魯有曹劌邾國之
曹世居譙郡漢有曹參後裔曹騰為中常
侍養甥夏侯氏之子嵩為子生操為漢相
子丕代漢為魏文帝嚴官音天水郡楚莊
王庶孫以王父謚為氏後避漢明帝諱改
莊為嚴凡漢書嚴青崔嚴助嚴遵嚴光皆
生時姓莊死後史官改其姓為嚴也華角
音武陵郡系出子姓宋戴公孫督食采於
華以邑為氏世為宋卿齊有華周漢有華
佗華歆金角音彭城郡少昊金天氏之後
又漢滅休屠國以王子日殫入侍大庭後
以功封侯賜姓金氏魏宮音鉅鹿郡系出
畢公高裔孫畢萬仕晉為大夫食采於魏

世爲晉卿至魏斯分晉爲諸侯以國爲氏
秦有魏冉漢有魏無知魏相陶徵音濟陽
郡系出陶唐氏唐堯始封於陶支子因氏
周有陶荅子漢有陶青姜商音天水郡系
出神農氏神農生於姜水因姓姜氏黃帝
時神農氏子孫世主太岳之祀周武王封
呂望於齊以主太岳復賜姓姜氏漢有姜
詩姜維○罽音亦圉音語顓音專頊音旭
歲音貴休屠音朽除日磧音密低

戚謝鄒喻栢水竇章

戚商音東海郡衛大夫孫林父食采於戚
支子以邑爲氏漢有戚鯁高祖戚夫人父

封臨轅矣謝商音陳畱郡周宣王封舅申
伯於謝支子以地爲氏晉有謝安鄒商音
范陽郡周曹挾封於邾戰國時改國號鄒
支子以國爲氏周有鄒衍齊有鄒忌漢有
鄒陽喻羽音江夏郡鄭之公族漢蒼梧守
諭猛改姓喻氏栢商音魏邵系出栢皇氏
上古有栢招爲炎帝師栢同爲帝嚳師封
國於栢漢有大鴻臚栢英水宮音吳興郡
系出妣姓明鄆縣有水甦民其先世以禹
王庶孫畱居會稽以水爲氏科第甚蕃又
有水邱氏覆姓竇徵音扶風郡系出妣姓
夏帝相后有仍氏遭寒浞之難逃出自竇
而生少康少康次子龍畱居有仍以竇爲
氏晉有竇鳴犢漢有竇嬰章商音河間郡

系出姜姓齊太公支子封於鄆子孫
去邑為章氏齊有章子秦有章邯

雲蘇潘葛奚范彭郎

雲徵音瑯琊郡系出雲陽氏隋有雲定興
蘇羽音武功郡顓頊裔孫防約子樊封於
昆吾世為夏伯支子封於蘇蘇公忿生為
周司寇戰國有蘇秦漢有蘇武潘羽音榮
陽郡周畢公高支子食采於潘以邑為氏
楚有潘崇吳有潘璋葛商音頓邱郡系出
嬴姓顓頊之後封於葛其後以國為氏秦
有葛嬰晉有葛洪仙翁奚商音譙郡黃帝
子禹陽封於任裔孫仲為夏車三食采於

奚故曰奚仲。支子以邑為氏。孔子弟子奚容箴。漢功臣奚涓。范宮音高平郡。堯後劉累裔孫杜隰。仕晉為士師。子蒚以官姓士氏。後食采於范。世為晉卿。以邑為氏。秦有范睢。楚有范增。彭宮音隴西郡。系出錢氏。顓頊裔孫陸終氏第三子錢鏗。封於彭。是為彭祖。歷唐虞夏商。壽八百歲。子孫世為諸侯。即大彭氏與豕韋氏。作商二伯。其後孟子弟子彭更。漢有彭越。封梁王。卽商音中山郡。曾懿公孫費伯。城卽邑以居。子孫因氏焉。漢有郎顗。唐有郎士元。○箴音黠。

魯韋昌馬苗鳳花方

魯羽音扶風郡系出姬姓周公元子魯公伯禽封於魯支子以國為氏戰國有魯仲連漢有魯恭韋羽音京兆郡系出豕韋氏世為夏商侯伯子孫以國為氏漢有韋賢韋元成父子皆為丞相昌商音汝南郡系出有熊氏黃帝子昌意昌意子帝顓頊高陽氏高陽支子以王父字為氏漢有昌稀馬羽音扶風郡系出趙姓趙王子趙奢封馬服君子孫以為氏漢有馬援苗羽音東陽郡楚令尹鬬椒之子賁皇仕晉食采於苗因氏焉漢有苗詵唐有苗晉卿相肅宗鳳宮音邠陽郡系出蒙氏南詔主閣羅鳳之裔唐南詔國君姓蒙氏尋羅閣生閣羅鳳閣羅鳳生鳳迦異鳳迦異生異牟尋其

長子。名重父下。一字。其支子即以父名下
一字為姓。故閼羅廂庶子即姓鳳氏。滇黔
之人多有此姓。花宮音。東平郡。系出華氏
古無花字。通作華。後專用花為花草之花
故華姓亦有改為花者。唐有花敬定。蜀大
將。明有花雲。方商音。河南郡。系出方雷氏
周有方叔為宣王卿士。

俞任袁柳豐鮑史唐

俞角音。河間郡。黃帝臣俞伯名跗。注素問

周有俞伯牙。任宮音。東安郡。系出有熊氏

黃帝子禺陽封於有任。以國為氏。文王妃

太任。任國之女。魏有任座。秦有任囂。袁羽

音。汝南郡。系出媯姓陳大夫莊伯轅孫濤塗。以祖字爲氏。後世去車爲袁。或作爰。實同出一源也。漢有袁盎。柳商音。河東郡。系出展氏。魯公子夷伯孫無駭子展獲字禽食邑柳下。後世以爲氏。戰國有柳莊。漢有柳隗爲齊王相。豐宮音。京兆郡。系出姬姓文王少子封於豐。其後有豐舒。相潞國。鮑宮音。上黨郡。系出姒姓。禹王之後有敬叔仕齊食邑於鮑。後有鮑叔牙。史徵音。京兆郡。系出史皇氏。倉頡之後史佚。爲周太史。漢有史高。唐徵音。晉昌郡。系出陶唐氏。舜封堯子丹朱於唐。其後子孫以國爲氏。漢有東園公。唐

雖四皓之一。